



Projet promovût di 'La Vôs dai Furlans' e 'ARLeF'

Lu saveviso che...?

# MAMAN

la VÔS dai FURLANS

CJANTÏN INSIEMI




"Ator ator pal pradessus al coreve un jeurut, ator ator pal pradessus al coreve un jeurut!..."

Cjantin insieme "Ator ator".  
Scoltin la cjançon su




In Australie e Tasmanie al vîf un animâl une vore strani: l'ornitorinc. Il so aspjet al è pardabon unic, al à un bec grant e lis çatis palmadis tant che une raze e il pêl e une code lungje compagne di chê dai castôrs. L'ornitorinc al sgjave la sô cove dongje dai flums e al è un nadadôr bravonon... tant di nadâ cui voi sierâts e, graciis a chei altris sens, rivâ a evitâ i ostacui! Ancje se a somein ninins, si à di stâ atents a chestis besteutis: il mascjo tes çatis daûr al scuint spirons velenôs che al dopre par cjaçâ e difindisi dai pericui. Un aspjet particolâr des feminis, invezit, al è che a fasin i ûfs ancje se i ornitorincs a son mamifars.




## cumò fâs tu

Ce strade âno di fâ i jeuruts par rivâ li de mame?



## Pontut par pontut... e colore!



Ce disial un cangûr a un altri cangûr cuant che al vûl lâ a cjatâlu? Doman o fâs un salt li di te!

Ridi a plene panze!

Vuelistu tornâ a viodi lis pontadis di Maman?!  
Cirilis su **telefriuli**  
Cjale lis gnovis pontadis su   
Vinars aes 18.30, e in repliche domenie aes 7.00 e aes 13.00

LIS IMAGINS SON GAVADIS FOR DI HTTPS://IT.FREEPK.COM - HTTPS://ARLEF.IT/

Pagjine curade dal Sportel Regjonâl pe Lenghe Furlane de

**ARLeF** AGENZIE REGIONÂL PE LENGHE FURLANE

### STELIS E LUSIGNIS Noa



**Roc.** Cualchidun ti da cuintri, ma tu tu lu savevis za e tu savoràs cemût rispuiudi.



**Taur.** Tu ti cjararàs in situazions che ti metin in imbaraç par colpe di cualchi persone che tu cognossis di un pieç.



**Zimui.** Al tache un periodi di vivi dut di un colp e di gjoldi, cence cjalâsi masse indaûr.



**Gjambar.** Tu âs sintût ce che al pense un grum di int e cumò tu âs cjadade la tô decision.



**Leon.** Tu ses usât a cjàpâ une tô strade, ancje se chei altris te sconsain: va indenant.



**Vergjine.** Ducj a corin e tu tu restis indaûr, prove a pensâ cemût organizâti miôr.



**Belance.** Tu âs semenade cualchi mine, no tu ti visis dulà e cumò tu riscjis di meti il pît parsore.



**Sgarpion.** Tu stâs cjàpant masse timp par no dâ une rispueste a une persone che ti vûl ben.



**Sagjitari.** Une decision impuartante no spiete e a son tancj che a crodin in te.



**Bec di mont.** Dome un clap nol cambie mai une idee e tu no tu sês di sigûr une piere.



**Agariûl.** Cualchidun ti domande un aiût, ancje se il presit par te al è une vore grant.



**Pes.** Dopo vè parât vie dal to cûr une persone, il cerviel si è pintût, clamile prime che al sedi masse tart.